

महापरभु चे भारी किरणा



फोकाहा – बिकतो काजे नवांय

महापरभु चो भारी किरपा

"महापरभु चो भारी किरपा" तुमचो सुविधा काजे नानी पुस्तक (किताप) चो रूप ने बनालोर आसे कि तुमी एके आपलो लगे हरमेशा नंगत ले संगाऊन राहा आऊर खिण्डक मांहा बले बेरा फाबलोने आपलो बेरा नि सराऊन एके पढून लाभ उठाऊक सकास ।

एचो गोटके धरम सास्तर (बाइबिल) थान ले बाढलोर आसे । आमचो आसा आसे कि पवित्र सास्तर आपलो पदमन के खुदे समंजालीसे । आसरा आसे कि ए पद परभु चो नंगत खबर के नंगत ले समंजाऊन देयदे ।

महापरभु चो बचन सत्तके डगरातो लोगमन काजे लाभ आय । कोनी मनुक आपलो पापमन ले पस्ताऊन सपाय जीव ले परभु यीशु ऊपरे जिदलदांय विसवास आने से हुदलदांय परभु यीशु मसी आपलो अस्तीर विसवास करतो बिता चो जीव ने देऊआय । ए अनमान मके १९३७ ने होली । एचो पाढे मोचो नाता महापरभु ले केबे बले नि छाडे । तुमचो ले मोचो बिनती आसे कि तुमी बले परभु यीशु के आपलो जीव देऊन भाती मुकित देतो बिता माना ।

— वांटसन गुडमेन

महापरभु चो मयां

रोमीमन ५ : ८

मानतर महापरभु आमचो ऊपरे आपलो मयां चो नंगत असन ढंग ले दखाऊ आय, कि जिदलदांय आमी पापी ची रलू तेबे मसी आमचो काजे मोरलो ।

यूहन्ना १३ : १

फसह चो तियार ले आगे जिदलदांय यीशु जानलो, कि मोचो हुन बेरा अमरलीसे कि संसार छाडून बापचो लगे जायदे, तो आपलो लोगमन ले, जोन संसार ने रओत, जसन मयां हुन करते रलो, सरासरी तक उसनी ची मयां करते रये ।

प्रकाशित बचन १ : ५

आऊर यीशु मसीचो बाटले जो बिसवास करतो मांहा गवही आऊर मोरलोमन थान ले जीव उठतो बितामन ले पथिला, आऊर संसार चो राजामन चो राजकुमार आय, तुमके आसीरबाद आऊर शांति मिरते रओ : जोन आमके मयां करे आऊर जोन आपलो लोऊले आम के पापमन ले छंडालोसे ।

यूहन्ना ३ : १६

कसनबलले महापरभु संसार ले असन मयां करलो कि हुन आपलो गोटकी बेटा देऊन दिलो, ताकी जोन कोनी बले हुन चो ऊपरे बिसवास करेदे, हुन नुकसान नि होओ, मानतर अमर जीव पाओ ।

यिरम्याह ३१ : ३

यहोवा (महापरभु) मके लापी ले दरसन देऊन बललोसे; मय तुके अमर मयां करते ईलेसे, एई काजे मय तुचो ऊपरे मोचो दया बनाऊन संगालेसे ।

१ तिमुथियूस ३ : १६

आऊर थाने सक नाई कि भवित चो भेद गंभीर आय; बललोने हुन जोन देहे ने परगट होलो, आतमा ने धरमी ठेबलो, सरग दूतमन के दखा दिली, दूसर जातमन ने हुनचो परचार होली, संसार ने हुनचो ऊपरे विसवास करला, आऊर महिमा ने ऊपरे ऊचालो ।

यूहन्ना १ : १ आऊर १४

मूर ने बचन रये आऊर बचन महापरभु चो संगे रये; आऊर बचन महापरभु रये, आऊर बचन देहे उपजास होली आऊर दया आऊर सत्तले भरपूर होऊन भाती आमचो मजिगते डेरा करली; आऊर आमी हुनचो असन महिमा दखलू जसन बापचो गोटकी लाडरा बेटा चो महिमा ।

मत्ती १ : २२, २३

ए सपाय बानी एईकाजे होली कि जोन बचन महापरभु भविष्यदक्ता ले बलू रलो; हुन पूरा होओ कि, दखा गोटोक कुआरी पेटे हारिन होयदे आऊर गोटोक बेटा जनमायदे आऊर हुनचो नांव इम्मानुरल संगादे, जेचो मतलब ए आय 'महापरभु आमचो संगे' ।

यूहन्ना १४ : ९, १०

यीशु हुनके बललो; ए फिलिप्पुस, मय इतरो दिन ले तुचो संगे आंसे; आऊर काय तुय मके नि जानीस? जोन मके दखलोसे हुन बाप के दखलोसे; तुय काय काजे बलसीस कि बाप के आम के दखाव? काय तुय विसवास नि करीस कि मय बाप ने आंय आऊर बाप मोचो थाने आय ?

यीशु महारभु चो बेटा

१ यूहन्ना ४ : १५

जोन कोनीबले असन मानेसे, कि यीशु महापरभु चो बेटा आय; महापरभु हुन थाने बनून रयदे आऊर हुन महापरभु थाने।

लूका १ : ३५

आऊर सरगदूत हुनके उत्तर दिलो कि पवित्र आतमा तुचो ऊपरे उतरे दे; आऊर सपाय चो मुखिया चो बल तुचो ऊपरे छांय करेदे; एईकाजे हुन पवित्र जो जनमतो बिता आय, महापरभु चो बेटा बलाय होयदे।

यशायाह ९ : ६

कसनबलले आमचो काजे गोटोक लेका जनमलोस गोटोक ऊजर बादरी हुनमन के छांवली, आऊर देखा; हुन बादरी ले असन गरजन निसकली, कि ए मो चो लाडरा बेटा आय; जेचो ने मयहरिक आंसे; एचई सुना।

कुलुस्सीमन २ : ९

कसनबलले हुन (यीशु) थाने महापरभु चो सपाय गुन भरपूर देंहे ने रयसे।

यीशु आमके सांगेसे कि हुन क्वेन आय

यूहन्ना ८ : २३

हुन हुनमन के बललो, तुमी खाले चो आहास; मय ऊपर चो आय; तुमी संसार चो आहास मय संसार चो नवाय।

यूहन्ना ६ : ३५

यीशु हुनमन के बललो; जीव चो रोटी मय आंय; जोन मोचो
लगे एयदे हुन केबई भूके नि होये, आऊर जोन मोचो ऊपरे
बिसवास करेदे हुन केबई पियास नि होये ।

यूहन्ना ९ : ५

जिदलदांय ले मय संसार ने आसें, हुदलदांय ले संसार चो
ऊजर आंय ।

यूहन्ना १० : ७

तेबे यीशु हुनमन के फेर बललो; मय तुमके सत्ते सत्ते सागेंसे,
कि मेण्डामन चो दुआर मय आंय ।

यहन्ना ११ : २५

यीशु हुनके बललो; जीऊन उठतोर (पुनरुत्थान) आऊर
जीव मय ची आंय, जोन बले मोचो ऊपरे बिसवास करेदे हुन
मोरुन गेलोने बले जीयेदे ।

यूहन्ना १३ : १३

तुमी मके गुरु आऊर परभू बलसात, आऊर नंगत
बलासाहास, कसनबलले मय हुनी आंय ।

यूहन्ना ८ : ५८

यीशु हुनमन के बललो; मय तुमके सत्ते सत्ते बलेंसे कि
इबराहीम जनम होलो ले आगे मय आंय ।

यीशु मसी चो महासंदे चो काम

मत्ती १४ : १९-२१

तेबे हुन लोगमन के रोण्डा ने बसतो काजे बललो आऊर हुन

पांचठन रोटी आऊर दुयठन मछरी के धरलो; आऊर सरग बाटे दखून भाती पारथना करलो आऊर रोटीमन के गोंदा गोंदा करुन चेलामन के दिलो आऊर चेलामन लोगमन के। आऊर सपाय चो पेट भोरली; आऊर चेलामन उरलो बिती गोंदामन के बारढन फाडरी ने भोरला। आऊर खातो लोग बयलोमन आऊर पिलामन के छाडून पांच हजार मनुकमन रओत ।

लूका ५ : ४—६

जिदलदायं हुन गोठेयाऊक सारलो तेबे समौन के बललो; गड़िया ने ने आऊर मछरीमन धरतो काजे तुचो झारी पकाव। समौन हुनके उत्तर दिलो, कि ए मालिक, आमी गुलाय राती खूबे बूता करलू आऊर काई नि धरुं; तेबे बले तुचो बलतो ने झारी पकाऊंदे। जिदलदायं हुनमन असन करला, तेबे खूबे मछरीमन घेरून आनला आऊर हुनमन चो झारी फाटूक मुरियाली ।

मत्ती २० : ३०—३४

आऊर दखा, दुयझन काना जोनमन सड़क रेटे बसू रओत, असन सुनून भाती यीशु जायसे; हागदेऊन बलूक मुरियाला, कि ए परभु, दाऊद बंस चो बेटा, आमचो ऊपरे दया कर; लोगमन हुनमन के रीस होला कि ओग्गायरओत; मानतर हुनमन आऊर जुगे चिचियाऊन बलला; ए परभु, दाऊद चो बेटा, आमचो ऊपरे दया कर। तेबे यीशु ठिया होऊन हुनमन के हागदिलो आऊर बललो; तुमके काय होतोरे आय कि मय तुमचो काजे करें? हुनमन हुनके बलला : ए परभु आमचो आईक के उगाडून देस। यीशु तरसून भाती हुनमन चो आईक के छिंवलो, आऊर हुनमन तूरते दखूक मुरियाला। आऊर हुनमन हुनचो संगे गेला ।

६ यीशु मसी बनातो बिता आऊर परभु

कुलुस्सीमन १ : १६

कसनबलले हुनी थाने सपाय जिनीस के बनालोर होली;
सरगचो होओ नोहले संसार चो; दखलोर नोहले नि दखलोर; काय
राजगादी, काय राजमन, काय मुखियामन, काय हक, सपाय
जमक हुनचेई ले आऊर हुनचेई काजे बनालोर आसे ।

यूहन्ना १ : ३

सपाय जमक हुनचेई ले उपजास होली आऊर जितरो बले
उपजास होलीसे, हुन थानले कोनी बले जमक हुनचो नोहलोर नि
होली ।

प्रेरितमन चो काम २ : ३६

एईकाजे एदांय इस्साएल चो सपाय कुटूम नंगत ले जानोत कि
महापरभु हुनी यीशु के जेके तुमी क्रूस ने चेगालास; परभु बले
थेबालो, आऊर मसी बले ।

रोमीमन १४ : ९

कसनबलले मसी एईकाजे मोरलो, आऊर जीवलो कि
मोरलोर आऊर जीवलोर, दुनों चो परभु होओ ।

कुरिन्थमन १ : ९

महापरभु सत्त आय, जोन तुमके आपलो बेटा आमचो परभु
यीशु मसी चो संगे रतो काजे हागदिलो ।

यीशु मसी सपाय चो निआंव करतो बिता आय

प्रेरितमन. १० : ४२

आऊर हुन आमके हुकुम दिलो; कि लोगमन के सांगा; आऊर

गवही दियास, कि ए हुनी आय; जेके महापरभु जीवता आऊर
मोरलो लोगमन चो निआंव करतो बिता थेबालोसे ।

रोमीमन १४ : १०

तुमी काय काजे आपलो भाई ऊपरे दोस लगासीस नोहले तुय
फेर काजे आपलो भाई के नोहलों मांहा जानसीस? आमी सपाय
महापरभु चो निआवं चो राजगादी पुरे ठिंया होवां ।

२ तिमुथियूस ४ : १

महापरभु आऊर यीशु मसी के गवही करून, आऊर जोन
जीवलो आऊर मोरलो चो निआवं करेदे, हुनचो आऊर हुनचो
एतोर होतो, आऊर राज के सूरता कराऊन मय तुके चेतावनी
देयसे ।

मत्ती २५ : ३२

आऊर सपाय जातमन के हुन चो पुरे रुण्डा करे दे आऊर
जसन धोरई मेण्डामन ले बोकड़ीमन के अलगे करून देऊआय
उसनी ची हुन हनुमन के अलगाऊन देयदे ।

यूहन्ना ५ : २२

आऊर बाप काचेई निआंव बले नि करे : मानतर निआंव
करतोर सपाय बूता बेटा के सोपून दिलोसे ।

रोमीमन २ : १६

जो दिने परभु मोचो नंगत खबर चो हिसाब ने यीशु मसीले
मनुकमन चो गुप्त गोटमन चो निआंव करेदे ।

८ छंडाय होतोर सोजे यीशु मसी ले

यूहन्ना १० : ९

दुआर मय आंय , कोनी मोचो ले भीतरे आलेदे हुनी मुकित पायेदे आऊर भीतरे बाहरे इयार जाहार करे दे आऊर चारा पायेदे ।

यूहन्ना १४ : ६

यीशु हुन के बललो, बाट-घाट आऊर सत्त आऊर जीव मय ची आंय, बिना मोचो ले कोनी बाप लगे नि अमरुक सकास ।

यूहन्ना ८ : २४

एईकजे मय तुम के बलले, कि तुमी आपलो पाप ने मोरासे; कसनबलले तुमी बिसवास नि करासे कि मय हुनी आंय , नोहले आपलो पापमन ने मोरासे ।

इब्रानीमन ५ : ९

आऊर सिद्ध होऊन भाती, आपलो सपाय हुकुममन मानतो बितामन काजे हरमेसा चो मुकित चो कारन होलो ।

प्रेरितमन ४ : १२

आऊर कोनी दूसर चो ले मुकित निआंय, कसनबलले सरग चो खाले मनुकमन ने आऊर कोनी दूसर नांव नि दिलासे जेचो ले आमी मुकित पाऊक सकूँ ।

इब्रानीमन ७ : २५

एईकाजे जोन हुनमन चो लगे, एयसोत, हुन हुनमन चो पूरा पूरा मुकित करुक सके, कसनबलले हुन हुनमन काजे बिनती करतो काजे हरमेसा जीव आसे ।

९ छंडाय होतोर सोजे यीशु मसी चो ले

१ कुरिन्थीमन १ : ३०

मानतर हुनचेई बाट ले तुमी यीशु मसीले आसास, जोन
महापरभुचो बाट ले आमचो काजे ज्ञान थेबली, बललोने धरम
आऊर पवित्र आऊर छंडाव ।

तीतूस २ : १४

जोन खुदे आपनी के आमचो काजे देउन दिलो, हुन आम के
सपाय रकम चो अधरम ले छंडाओ, आऊर सूद करुन आपलो
काजे गोटोक असनलोग बनाओ जोन, नंगत नंगत बूतामन ने मन
लगाओ ।

कुलुस्सीमन १ : १२—१४

आऊर बाप चो धन्यवाद करते राहा, जोन आमके एचो
लाईक बनालो कि ऊजर ने पवित्र लोगमन संगे हकदार ने मिसूँ ।
हुनी आम के अंधार चो ताकत ले छंडाऊन भाती आपलो लाडरा
बेटा चो राज ने ओलालो । जोन थाने आमके छंडाय होतोर आऊर
पाप चो खेमा मिरेसे ।

लूका १९ : १०

कसनबलले मनुक चो बेटा हाजलो लोगमन के डगराऊक
आऊर हुन चो मुक्ति करुक ईलोसे ।

तीतूस ३ : ५

तेबे हुन आम चो उद्धार करलो आऊर ए धरमचो काममन चो
कारन नाई, जो आमी आपनी करलू, मानतर आपलो दया चो
अनुसार, नुआं जनम चो नहानी (स्नान) आऊर पवित्र आतमा चो
आम के नुआं बनातो ले होली ।

रोमीमन ५ : ९

कसनबलले जिदलदांय आमी एवे हुनचो लोऊ चो कारन ने
घर्मा थेबलु, तेबे हुनचोले रीसले कसन नि बाचूदे?

इफिसीमन १ : ७

आमके हुन थाने हुनचो लोऊ चो ले छंडाव, बललोने पापमन
चो खेमा, हुन चो हुन दया चो धन चो हिसाब ने मिरलीसे ।

१ पतरस १ : १८, १९

कसनबलले तुमी जनसास, कि तुम चो अडरा चाल चलन
जोन बाप—दादीले चलते एयसे हुन चो ने तुम चो छंडाव
सोना—रूपा आऊर नसतो बितीले नि होली । मानतर बिन दोस
आऊर बिन पाप चो मेण्डा पिला, बललोने मसी चो खूबे दाम चो
लोऊ ले होली ।

१ यहून्ना १ : ७

मानतर एदांय (जदी) जसन हुन ऊजर ने आसे, उसनी आमी
बले ऊजरने जाऊं, तो एक झन दूसर ले मिसून रऊआत, आऊर
हुन चो बेटा यीशु चो लोऊ आम के सपाय पापमन ले सूद करेसे ।

इब्रानीमन ९ : १४

तेबे मसी चो लोऊ जोन तुमके सदाकाल चो आतमा ले
महापरभु चो पुरे बिन दोस चेगालो, तुमचो बिबक (अलचना) के
मोरलो काममन ले कसन सूद नि करेदे, ताकि तुमी जीवते
महापरभु चो सेवा करा ।

११ मुक्ति यीशु मसी ने बिसवास करलोने

इफिसीमन २ : ८, ९

कसनबलले बिसवास ले दया (अनुग्रह) ले तुमचो मुक्ति होलीसे, आऊर ए तुमचो बाट ले नवांय, मानतर महापरभु चो दान आय। आऊर नोहले करम चो कारन, असन नि होवो कि कोनी घमण्ड करो।

रोमीमन ५ : १

एईकाजे जिदलदाय आमी बिसवास ले धरमी थेबलू, तेबे आपलो परभु यीशु मसी ले महापरभु चो संगे अस्तीर आसूं।

१ यूहन्ना ५ : ४

कसनबलले जितरो बले महापरभु ले उपजास होलीसे, हुन संसार ऊपरे जय पायसे, आऊर हुन जीत जेचो ने संसार ऊपरे जय पावलो, आम चो बिसवास आय।

यूहन्ना ६ : २८, २९

हुनमन हुनके बलला, महापरभु चो काम करतो काजे आमी काय करवां? यीशु हुनमन के उत्तर दिलो, महापरभु चो काम असन आय कि तुमी हुन चो ऊपरे, जेके हुन पठालो से, बिसवास करा।

यूहन्ना २० : ३१

मानतर ए एईकाजे लिखा गेलीसे, कि तुमी बिसवास करा, कि यीशु ची महापरभु चो बेटा मसी आय: आऊर बिसवास करून हुन चो नांव ले जीव पाहा।

महापरभु चो दया

भजनमन १०३ : ११, १७

जसन सरग संसार चो ऊपरे डेंग आसे, उसनी ची हुन चो दया
 हुनचो भगतमन चो ऊपरे बडे आसे। मानतर यहोवा (महापरभु)
 चो दया हुन चो भगतमन चो ऊपरे जुग जुग आऊर हुन चो धरम
 हुन चो नातीपुती ऊपरे बले परगट होऊआय।

मीका ७ : १८

तुचो मांहा असन महापरभु कहां आसे जोन अधरम के खेमा
 करे आऊर आपलो खुद चो बाटा के बचलो लोगमन चो पाप के
 ढापून देये? हुन आपलो रीस के सदाकाल बनाऊन नि रये,
 कसनबलले हुन दया ले मया संगाऊआय।

भजनमन १०८ : ४

कसनबलले तुचो दया सरगले बले डेंग आसे, आऊर तुचो
 सत्त सरगपूर लगले आसे।

गागासीगीत ३ : २२, २३

आमी मेटून नि गेलू, ए यहोवा चो बडे दया चो फल आय;
 कसनबलले हुनचो दया अमर आसे, रोज बिहाने नुआ होते रयसे,
 तुम चो सत्त बडे आय।

तीतुस ३ : ५

तेबे हुन आम चो उद्धार करलो आऊर ए धरमचो काममन चो
 कारन नाई, जो आमी आपनी करलू, मानतर आपलो दया चो
 अनुसार, नुआं जनम चो नहानी (स्नान) आऊर पवित्र आतमा चो
 आम के नुआं बनातो ले होली।

१३ महापरभु आम के आपलो लगे हागदेयसे

मत्ती ११ : २८

ए सपाय मयनत करतो बितामन आऊर बोझ ले चेपाय होलो
लोगमन, मोचो लगे इआ; मय तुमके सुस्ताऊक देयंदे ।

प्रकाशितबचन २२ : १७

आऊर आतमा आऊर दुली दुनों बलसोत, आव, आऊर
सुनतो बिता बले बलो, कि आव, आऊर जोन पियास आसे, हुन
एओ, आऊर जेके भायसे हुन जीव चो पानी फोकाहा ने नेओ ।

यशायाह ५५ : १

ए सपाय पियास लोगमन, पानी चो लगे इआ, आऊर जेचो
लगे पयमा निआंय, तुमी बले एऊन मोलयाहा आऊर खाहा! अंगूर
रस आऊर गोरोस बिन रुपया आऊर बिन मोलचो एऊन निया ।

यूहन्ना ७ : ३७

फेर तियार चो सरासरी दिने, जोन खास दिन रए, यीशु ठिंया
होलो आऊर हागदेऊन बललो, कोनी पियास आसे जाले मोचो
लगे एऊन पीओ ।

यशायाह १ : १८

महापरभु बलेसे, इआ, आमी आपस ने चरचा करुं; तुमचो
पाप भले लाल रंग चो होओ, तेबले बले हुन बरप चो मांहा पंडरा
होऊन जायदे । आऊर भले अरक लाल रंग चो होओ, तेबले बले
हुन गोरोस (मेण्डा रुंआ) मांहा पंडरा होऊन जायदे ।

१४ सपाय लोगमन महापरभु चो बेटा नोंआत

१ यूहन्ना ३ : १०

एचेई महापरभु चो बेटा आऊर सयतान चो बेटा के जानुआतः
जोन कोनी धरम चो काम नि करे हुन महापरभु ले नाई, आऊर
नोहले हुन, जोन आपलो भाई ले मयां नि करे ।

रोमीमन ८ : १४, १५

एईकाजे कि जितरो लोग महापरभु चो आतमा चो ले चलेसे;
हुनीमन ची महापरभु चो बेटा आत । कसनबलले तुमके गुलाम चो
आतमा नि मिरलीसे, कि तुमी फेर डरा : मानतर पोसवापन चो
आतमा मिरलीसे, जेचो ने आमी ए अब्बा, ए बुआ बलून
हागदेऊसे ।

फिलिष्पीमन २ : १५

ताकी तुमी बिनदोस आऊर भोले—भाले (सीदा—सादा)
होऊन भाती टेड़गा आऊर बाकटा लोगमन चो मंजिगत महापरभु
चो निरदोस बेटा बनून राहा; जेचो मंजिगता ने तुमी जीव चो बचन
घरून संसार ने जरतो दियामन मांहा दखा दिआसाहास ।

२ कुरिन्थीमन ६ : १७, १८

एईकाजे महापरभु बलेसे, कि हुनमन चो मंजिगता ले निकरा
आऊर अलगे राहा आऊर असूद तीज के नि छिंया, तेबे मय तुम के
पायदे । आऊर तुम चो बाप होयदे, आऊर तुमी मोचो बेटा आऊर
बेटीमन हुआसे । ए सबले सक्तिमान परभु महापरभु चो बचन
आय ।

१५ मोंद चो बारे ने महापरभु चो बचन

नीतिबचन २३ : ३१, ३२

जिदलदांय अंगूर रस लाल दखा देऊआय, आऊर बटका ने हुनचो सुन्दर रंग होऊ आय, आऊर जिदलदांय हुनके घाट धराऊन उलदुआत, हुदलदायं हुनके नि दखा । कसनबलले सरासरी ने साप चो मांहा चाबुआय आऊर करीत चो मांहा चाबुआय ।

यशायाह ५ : ११

हाय, (लाज) हुनमन चो ऊपरे जोन बड़े बिहाने उठून भाती मोंद खाऊक मुरियाऊआत, आऊर खूबे राती ले अंगूर रस खाते रऊआत, जिदलदांय ले हुनमन के गरम नि चेगे ।

गलतीमन ५ : १९-२१

देहे चो काम तो परगट आसे, बेसवा, अडरा काम, लोप, मूरती ऊपास (पूजा), पांगन नासन, घृणा, झगड़ा ईरखा, रीस, दुसमनी, फूट, सत्त चो बिरुध, डाहा, हत्यारा, मोंदहा आऊर असनी उसनी काम आसे, एचो बारे ने मय तुमके आगेले सांगेसे, जसन एचोले आगे सांगून बले दिलेसे, कि असन असन काम करतो लोगमन महापरभु चो राज ने ओलूक नि सकोत ।

रोमीमन १३ : १३, १४

जसन मंच ने रथसात उसनी ची आमी सीधा चलन ने चलूँ; नोहले लीला क्रीडा आऊर मोंदही, नाई बेसवा, नाई लालचेई ने आऊर नोहले झगड़ा आऊर ईरखा ने । मानतर परभु यीशु के पींदा, आऊर देहे चो मन (इच्छा) के पूरा करतोर उपाय नि करा ।

मत्ती २२ : ३७, ३८

हुन (यीशु) हुनमन के बललो, तुय परभु आपलो महापरभु के आपलो सपाय मन, आऊर आपलो सपाय जीव आऊर आपलो सपाय अकल चो संगे मया संगाव । बड़े आऊर खास हुकुम एई आय ।

मरकुस १० : १७—२२

जिदलदांय यीशु हूताले निकरुन बाटे बाट जाते रये, तेबे गोटोक मनुक हुनचो लगे पराते ईलो, आऊर हुनचो पुरे माणिड खुटा देऊन हुनके पूछलो, 'ए नंगत गुरु, सदाकाल चो जीव पावतो काजे मय काय करेदे? यीशु हुनके बललो, तुय मोके नंगत गुरु काय काजे बलसीस? कोनी नंगत नोआंत, खाली गोटोक मतलब महापरभु । तुय हुकुममनके तो जानीसीस! हत्या नि कर बेसवा नि कर, चोरी नि कर, झूट गवई नि देस, धोका नि देस आऊर आपलो माय बाप चो इज्जित कर । हुन हुनके बललो, ए गुरु, ए सपाय हुकुममन के मय पिलाबेरा ले मानते एयंसे । यीशु हुनके दखलो आऊर मया करलो, आऊर हुनके बललो, तुचो याने गोटकी गोट चो कमी आसे; जा, जोन बले तुचो लगे आसे हुनके बिकून गरीब धुरीबमन के देस, आकर तुके सरगपुर ने धन मिरेदे, आऊर एऊन आऊर मोचो पाटे होऊन जा । ए गोट के सुनून हुन चो थोतना उतरून गेली आऊर हुन मुरुस्सनाय होऊन जाते गेलो, कसनबलले हुन खूबे सौकार रये ।

नीतीबचन १६ : २५

असन बले बाट आसे, जोन मनुक के सप्तजे दखा देयसे, मानतर हुन चो सरासरी ने मोरना ची मिरुआय ।

धोका नि खाहा

याकूब १ : २२

मानतर बचन असन चलतो बिता बना आऊर खाली सुनतो
बितामन नाईं जोन आपलो खुद के धोका देऊआत ।

१ कुरिन्थीमन ६ : ९, १०

काय तुमी नि जानसास कि अन्याय करतो लोग महापरभु चो
राज के नि पाओते? धोका नि खाहा; ना बेसवा, ना मूरतीपूजा
करतो बिता, ना दूसर मेहशर लगे जातो बिता ना डरहा, ना दूसर
मनुक संगे पाप करतो बिता, ना चोर, ना लालचेई, ना मोंदहा, ना
झगडा करतो बिता, ना झीका—उड़मा करतो बिता महापरभु चो
रज चो हकदार होयदे ।

इफिसीमन ५ : ६

कोनी तुमके फोकाहा गोटमन ले धोका नि देओत, कसनबलले
एई काम चो कारन महापरभु चो रीस हुकुम नि मानतो बितामन
ऊपरे रऊआय ।

१ यूहन्ना ३ : ७,८ अ

ए पिलामन कोचेई धोका नि खाहा: जोन धरम चो काम
करेसे, हुनी हुन चो असन धरमी आय । जो कोनी बले पाप
करुआत हुन सयतान चो बाटले आत, कसनबलले सयतान मूरले
ची पाप करते ईलोसे ।

गलतीमन ६ : ३

कसनबलले कोनी काई नि होले बले आपने खुद के काई
समंजेसे, तो आपनी खुद के धोका देयसे ।

रोमीमन ५ : १२

ईकाजे जसन गोटोक मनुक ले पाप संसार ने ईली आऊर पाप ले मोरना ईली आऊर ई हिसाब ले मोरना सपाय मनुकमन ने बिगरली ईकाजे कि सपाय पाप करला ।

याकूब १ : १५

फेर जिदलदांय लालच पेटे थेबली, आऊर पाप के जनम दिलीः आऊर पाप जेबे बाढ़लोने मोरना के उपजायसे ।

रोमीमन ८ : ६

देहे ऊपरे मन लगातोर मोरना आय; मानतर आतमा चो ऊपरे मन लगातोर जीव आऊर अस्तीर आय ।

यहेजकियेल १८ : २०

जोन जीव पाप करेदे हुनी मोरेदे, नोहले बेटा बाप चो पाप चो बोझ के उठायदे ना बाप बेटा चो; धरमी के आपलेई धरम चो फल आऊर अधरमी के आपलेई अधरम चो फल मिरेदे ।

लूका १५ : ३२

मानतर एदांय हरिक करतोर आऊर मंगन होतोर आय कसनबलले ए तुचो भाई मोरुन रलो फेर जीवलोसे, हाजू रये, एदांय मिरलोसे ।

नीतिबचन ११ : १९

जो धरम ने बरकस रयसे, हुन जीवके पाऊआय, मानतर जोन जोन अडरा चो पीछा करसोत हुनमन आपलो मोरना चो पीछा करसोत ।

यूहन्ना ११ : ४३, ४४

असन बलून हुन (यीशु) जोर ले हागदिलो, कि ए लाजर, निस्कून आव । जोन मोरुन रेलो, हुन मोठ ले हाथ पांय बांदी होऊन निस्कून ईलो; आऊर हुनचो थोमना अंगोच ले गुण्डेयायी होऊन रये । यीशु हुनमन के बललो, हुनके ढीलून जाऊक दियास ।

लूका ७ : १४, १५ अ

तेबे हुन लगे एऊन भाती टरनी के छिंवलो आऊर बोओलो बितामन थेबला, तेबेहुन बललो, ए धंगड़ा, मय तुके बलेंसे, उठ । तेबे हुन मोड़ा उठून बसलो आऊर गोठेयाऊक मुरियालो ।

यूहन्ना १० : १७, १८

बाप एईकाजे मोके मयां करेसे कि मय आपलो जीव देयसे, कि हुनके फेर धरुआंय । कोनी हुनके मोचो ले झीकोत नाई, मानतर मय हुनके खुदे देयसे । मोके हुनके देतोर बले हक आसे, आऊर हुनके फेर नेतोर बले हक आसे । ए हक मोचो बाप ले मोके मिरली से ।

प्रकाशित बचन १: १८

मय मोरुन रले, आऊर एदांय दख, मय जुग जुग काजे जीव आंसे, आऊर मोरना आऊर नरक (पताल) चो कुचीकाड़ी मोचो लगे आसे ।

व्यवस्थाविवरन ५ : ७—२१

मोके छाडून दूसरमन के महापरभु बलून नि माना । तुय आपलो काजे कोनी मूरती खोडून नि बनाव ना काचई रूप बनाव जोन सरग ने नोहले संसार ने नोहले संसार चो पानी ने आसे, तुय हुनमन के पांय नि पड़ आऊर हुन चो उपास नि कर; तुय आपलो महापरभु यहोवा चो नांव फोकाहा निधर; कसनबलले जोन यहोवा चो नांव फोकाहा धरेदे हुन हुनमन के निरदोस नि थेबायदे । तुय सुस्तातो दिन के मानूनभाती पवित्र संगाव, जसन तुचो महापरभु यहोवा तुके हुकुम दिलोसे । छ्य दिन बूता करुन तुचो सपाय बूता कर; मानतर सातवां दिन तुचो महापरभु यहोवा काजे सुस्तातो दिन आय । तुचो बाप आऊर मांय चो इज्जित कर, जसन कि तुचो महापरभु यहोवा तुके हुकुम दिलोसे ।

तुय हत्या नि कर । तुय बेसवा काम नि कर । तुय चोरी काम नि कर । तुय काचेई पलटा झूठ गवई नि देस । तुय काचेई बायले चो लालच नि कर, आऊर ना काचेई घर चो, ना हुन चो बेडा चो, ना हुनचो कामेया चो, ना हुनचो कामे यीन चो, ना हुनचो बयला, नोहले गदाहा चो, ना हुनचो काई आऊर तीज चो लालच नि कर ।

२१ तुय महापरभु ले लुकूक नि सकीस

नीतिबचन १५ : ३

यहोवा (महापरभु) चो आईंक सपाय ठाने लगू रऊआय ।

अयूब ३४ : २१, २२

कसनबलले महापरभु चो आईंक मनुक चो चाल चलन ऊपरे
लगू रऊआय, आऊर हुन सपाय चाल चलन के दखते रऊआय ।
असन अंधार नोहले भिंगफुटा अंदार (मोरना चो छाय) कोनी थाने
निआंय जोन थाने पाप करतो लोग लुकूक सकोत ।

यिरम्याह २३ : २४

फेर यहोवा चो ए गोट आय, काय कोनी असन नि दखा देतो
ठान ने लुकूक सकोत, कि मय हुनके दखूक नि सके? काय सरग
आऊर संसार दुनों मोचो ले भरपूर निआंय?

भजनमन १३९ : ८ आऊर १२

मानतर मय सरग ने चेगलोने तो तुय हूता आसीस, मानतर
मय मोचो डसना पताल ने ओछाले तो हूता बले तुय आसीस . .
तेबले बले अंधार तुके नि लुकाये, राती तो मंजन चो असन उजर
देऊआय; कसनबलले तुचो काजे अंधार आऊर उजर दुनों गोटकी
समान आय ।

लूका ८ : १७

काई लुके नाई, जोन परगट नि होये; आऊर ना काई लुकलोर
आसे, जोन जानूक नि होये आऊर परगट नि होओ ।

२ पतरस ३ : ७

मानतर एबे चो सरग आऊर संसार हुनचेई बचन (गोट) ले
एईकाजे संगालोसे; कि जराओत आऊर हुन पापी मनुकमन चो
निआंव आऊर नास होतो दिन तक असनी ची संगाऊन रदे ।

मत्ती १३ : ४१, ४२

मनुक चो बेटा (यीशु) आपलो सरगदूतमन के पठायदे, आऊर
हुनमन हुनचो राज ले सपाय धोका चो कारनमन के आऊर अडरा
काम करतो बितामन के रुण्डा कर दे । आऊर हुनमन के आईग
चो कुण्ड ने पकादे, हूता गागतोर आऊर दात कटकटातोर होयदे ।

भजनमन ९ : १७

पापी लोगमन नरक ने फिरुन जादे, आऊर हुन सपाय
जातमन बले जोन महापरभु के भुलकु जाऊआत ।

मत्ती १८ : ८

तुचो हाथ नोहले तुचो पाय तुके ठोकर खुआदे जाले तो हुनके
काटून पकाऊन देस; लूला नोहले खाड़ेया होऊन भाती जीव ने
एतोर तुचो काजे एचो ले नंगत आय, कि दुनों हाथ नोहले दुनों पाय
रते बले तुय हरमेसा काजे आईक ने पकान दे दे ।

मत्ती २५ : ४६

आऊर एमन हरमेसा चो डण्ड भोगेदे, मानतर धरमकारीमन
हरमेसा चो जीव ने ओलदे ।

निआंव पुरे आसे

इब्बानीमन ९ : २७

आऊर जसन मनुकमन काजे गोटोक हार मोरतोर आऊर हुन
चो पाछे निआंव चो होतोर पक्का आय ।

प्रेरितमन १७ : ३१

कसनबलले हुन गोटोक दिन थेबालोसे, जोन थने हुन हुन
मनुक चो ले धरम ले संसार चो निआंव करेदे, जेके हुन थेबालोसे
आऊर हुन के मोरलो थान ले जियाऊन भाती ए गोट सपाय ऊपरे
परमाण (पक्का) करलोसे ।

२ पतरस २ : ९

तो परभु भगतमन के परीछा थान ले निस्काऊक आऊर
पापीमन के निआंव चो दिन तक डण्ड चो दसा ने संगाऊक (बले)
जाने ।

१ यहून्ना ४ : १७

एचईले मयां आमनमन ने सिध होली, कि आम के निआंव चो
दिने सकत होओ; कसबलले जसन हुन आसे, उसनी ची संसार ने
आमी बले आंसू ।

२ कुरिन्थीमन ५ : १०

कसनबलले पक्का आय, कि आमी सपाय चो हाल मसी चो
निआंव—आसन चो पुरे खुलून जाओ, कि सपाय मनुक आपलाहान
आपलाहान नंगत अडरा काममन चो पलटा जोन हुन देंहे चो ले
करलासे, पाव दे ।

रोमीमन १४ : १२

एईकाजे आममन ले सपाय के महापरभु के आपलाहान
आपलाहान लेखा (हिसाब) देयदे ।

रोमीमन ५ : १५

मानतर जसन पाप चो दसा आसे, उसने आसीरबाद चो बरदान चो नाई, कसनबलले जिदलदायं गोटेक मनुक चो पाप ले खूबे लोगमन मोरला, तो महापरभु चो आसीरबाद आऊर हुन चो जोन दान गोटेक मनुक चो, नोहले यीशु मसी चो आसीरबाद ले होली, खूबे लोग ऊपरे जुगे ले होली ।

रोमीमन ९ : १६

एईकाजे ए नोहले तो भावतो बितामन चो नोहले परातो बितमन चो, मानतर दया करतोर महापरभु चो आय ।

१ पतरस ५ : ५ अ

कसनबलले महापरभु गरब करतोर लोगमन के मन नि करे; मानतर कंगालमन चो ऊपरे दया करुआय ।

२ कुरिन्थीमन ८ : ९

तुमी आम चो महापरभु यीशु मसी चो दया के जानसात, कि हुन सौकार होऊन भाती बले तुमचो काजे कंगाल बनलो, ताकि हुनचो कंगाल होलो ने तुमी सौकार हुआ ।

प्रेरितमन ४ : ३३

आऊर पठालो बितामन बडे ताकत ने परभु चो जीव उठलोचो गवई देते रओत आऊर हुन सपाय चो ऊपरे बडे आसीरबाद रये ।

२ कुरिन्थीमन ९ : १५

महापरभु के हुनचो हुन दान काजे जोन गोट ले बाहरे आसे; जय जय होवो ।

यहेजकेल १८ : ३१

आपलो सपाय पापमन के तुमी करलासाहास लापी करा;
आपलो मन आऊर आतमा बदलून दियास! ए इस्राएल चो कुटुंम
तुमी काय काजे मोरसास ?

मत्ती ३ : २

मन फिराहा; कसनबलले सरगचो राज लगे अमरलीसे ।

२ कुरिन्थीमन ७ : १०

कसनबलले महापरभु-धरम चो दुख, असन पस्तावा के
जनम करेसे जेचो फल मुक्ति आय आऊर फेर हुन चो ने पस्तावा
नि करुक पडे, मानतर संसार चो दुख मोरना के जनम करेसे ।

प्रेरितमन ३ : १९

एईकाजे मन फिराहा आऊर बहाडून इआ कि तुम चो पाप
मेटून जाओ, जेचो ने परभु चो पुरे ले सुस्तातो दिन एओ ।

लूका १३ : ३

मय तुमके बलेंसे कि नाई; मानतर तुमी मन नि फिराहासे तो
तुमी सपाय बले एई ढंग ले नास हुआसे ।

प्रेरितमन १७ : ३०

एईकाजे महापरभु निजानतो बेरा ले आईक लिमटूनभाती,
एदायं सपाय ठाने सपाय मनुकमन के मन फिरातो काजे हुकुम
देयसे ।

यशायाह ५५ : ७

दुस्ट आपलो चाल चलन आऊर अधरमी आपलो सोच
बिचार छाडून भाती यहोवा चो बाटे फिरोः हुन हुनचो ऊपरे दया
करेदे; हुन आपचो महापरभु चो बाटे फिरुन एओ कसनबलले हुन
पूरा ढंग ले हुन के खेमा करे दे ।

यहेजकेल १८ : २१

मानतर दुस्ट मनुक आपलो सपाय पापमन ले फिरुनभाती
मोचो सपाय हुकुममन चो पालन करोत आऊर निआंव आऊर
धरमचो काम करोत तेबे हुन नि मोरेदे, मानतर जीवची रयदे ।

मत्ती ६ : १४

एईकाजे तुमी मनुक चो पाप खेमा करासे, तो तुमचो सरगचो
बाप बले तुमके खेमा करेदे ।

मरकुस २ : ५

यीशु, हनुमन चो विसवास के दखून, हुन लकवा मारलो मनुक
के बललो, ए बेटा तुचो पाप खेमा होली ।

प्रेरितमन ५ : ३१

हुनकोई महापरभु परभु आऊर उद्धार करतो बिता थेबाऊन
भाती, आपलो ऊजा हाथ ले सबले डेंग करुन दिलो, कि हुन
इस्त्राएलमन के मन फिरातो चो ताकत आऊर पाप चो खेमा
देओत ।

प्रकाशित बचन ३ : २०

दख, मय दुआरे ठिंया होऊन खड़खडायांसे; कोनी मोचो गोट
के सुनून कपाट उगाडेदे तो मय हुन चो लगे भीतरे एऊनभाती हुन
चो संगे खाऊआंय, आऊर हुन मोचो संगे ।

तीतुस २ : ११, १२

कसनबलले महापरभु चो हुन किरपा परगट आसे, जोन सपाय मनुकमन चो उद्घारचो कारन आया आऊर आम के चेतायसे, कि आमी बिन भक्ति आऊर दुनियादारीमन ले मन फिराऊन भाती ए जुग ने खुद के समालून आऊर धरम आऊर भक्ति ने जीवना बिताऊँ ।

कुलूसीमन ३ : २

संसार ऊपरे नाई मानतर सरगाचो जाय जमक ऊपरे मन लगाहा ।

इफिसीमन ५ : ११

आऊर अंधारचो अडरा काममन ने नि भीड़ा, मानतर हुनमन के धाका (घुड़की) दियास ।

१ यूहन्ना २ : १५, १६

तुमी नोहले तो संसार ले आऊर नोहले संसारचो तीजमन ले मयां संगाहा; कोनी संसार ले मयां संगायसे, तो हुन थाने बापचो मयां निआंय । कसनबलले जितरो बले संसार ने आसे, बललोने देहेचो मन, आईकचो मन अऊर जीवचो गूरब हुन बापचो बाट ले नाई, मानतर संसारचेई बाट ले आय ।

यशायाह १ : १६

खुद के धोऊन भाती पवित्र करा, मोचो आईक पुरे ले आपलो अडरा काममन के लापी करा, पाढे अडरा करतोर छाडून दियास ।

नुआ जनम

यहेजकेल ३६ : २६

मय तुके नुआ जीव देयदे आऊर तुचो भीतरे नुआ आतमा के उपजास करेंदे आऊर तुचो देहे थान ले पकना चो जीव (हृदय) के निकराऊन भाती तुके मास चो जीव देयदे ।

१ यूहन्ना ५ : १८

आमी जानूसे कि जोन कोनी महापरभु ले जनमलोसे, हुन पाप नि करे, मानतर जोन महापरभु ले जनम होलोसे हुनके हुन बचाऊन संगाऊआय; आऊर हुन दुस्ट हुनके छिंऊक नि सके ।

२ कुरिन्थीमन ५ : १७

एईकाजे कोनी मसी ने आसोत तो हुन नुआ बनलोर (सृष्टि) आय: जुना गोटमन सरुन गेलीसे, दखा, हुन सपाय नुआ होऊन गेली ।

यूहन्ना ३ : ३

यीशु हुनके उत्तर दिलो; कि मय तुके सत्ते सत्ते बलेसे, कोनी फेर ले नि जनमे तो हुन महापरभु चो राज के दखूक नि सके ।

१ पतरस १ : २३

कसनबलले तुमी नस्तोर नाई मानतर नि नस्तो बीचा ले महापरभु चो जीव आऊर सदाकाल ठेबतो बचन ले नुआं जनम पावलासाहास ।

१ यूहन्ना २ : २९

तुमी जानसास कि हुन धरमकारी आय, तो एके बले जनसास कि जोन कोनी धरम चो काम करुआय, हुन हुन चई ने जनमलोसे

२९ पाप काजे मोरलो – मसीने जीऊन उठलो

इफिसीमन २ : १ आऊर ६

आऊर हुन तुमके बले जियालो, जोन आपलो अपराध आऊर पापमन चो कारन मोरु रओत . . आऊर मसी यीशु ने हुनचो संगे उठालो, आऊर सरगचो ठान ने हुन चो संगे बसालो ।

१ पतरस २ : २४

हुन खुद आम चो पापमन के आपलो देंहे ने धरून भाती क्रूस ऊपरे चेगलो, जेचो ने आमी पापमन चो काजे मोरुन भाती धरम काजे जीवना बिताऊँ, हुन चो मार खातो के तुमी नंगत होलास ।

कुलुस्सीमन ३ : १ – ३

एईकाजे जिदलदायं तुमी मसीचो संगे जियाय होलास, तो सरगचो जमकमन चो डगर ने राहा, जोन थाने मसी आसे, आऊर महापरभु चो ऊजा बाटे बसलोसे । संसार चो ऊपरे नाई मानतर सरगचो तीजमन ऊपरे मन लगाहा । कसनबलले तुमी तो मोरलास आऊर तुमचो जीव मसीचो संगे महापरभु थाने लुकलोर आसे ।

रोमीमन ६ : २ आऊर ११

केबई नाई; आमी जिदलदायं पाप काजे मोरुन गेलू तो फेर आगे चो हुन थाने काय काजे जीवना बितावां? असनी ची तुमी बले आपने खुदे पाप काजे तो मोरलो, मानतर महापरबुचो काजे मसी यीशु ने जीव आसे समजा ।

गलातीमन ६ : ८

कसनबलले जोन आपलो देंहे काजे बुनु आय, हुन देंहेचो ले
नास चो कटई काटेदे ; आऊर जोन आतमा काजे बुनुआय, हुन
आतमाचो ले सदाकाल चो जीव चो कटई काटेदे ।

यूहन्ना ३ : १४, १५

आऊर जसन हिसाब ले मूसा राने सापके ऊपरे ऊचालो;
उसनी हिसाब ले जरुर आय कि मनुकचो बेटा (यीशु) के बले
ऊपरे ऊचाओत; ताकि जोन बले हुन चो ने बिसवास करदे
सदाकालचो जीव पाओत ।

यूहन्ना १७ : ३

आऊर सदाकालचो जीव ए आय, कि हुनमन तुके एकला सत्त
महापरभु के आऊर यीशु मसी के जेके तुय पठालीसीस, जानोत ।

यूहन्ना ३ : ३६

जो बेटा ऊपरे बिसवास करेसे, सदाकालचो जीव हुन चो
आय; मानतर जोन बेटा के नि माने, हुन जीव के नि दखोदे, मानतर
महापरभु चो रीस हुनचो ऊपरे रऊआय ।

यूहन्ना ५ : २३

मय तुके सत्त सत्त बलेसे, जोन मोचो गोट सुनून भाती मोचो
पठातोबिता चो ऊपरे बिसवास करुआय, सदाकाल चो जीव
हुनचो आय, आऊर हुन थाने डण्डचो हुकुम नि होय, मानतर हुन
मोरना के नाहाकून भाती जीव ने ओललोसे ।

यशायाह ३२ : १७

आऊर धरमचो फल अस्तीर आऊर हुन चो फल सदाकाल चो
आराम आऊर बेफिकर ने रऊक होयदे ।

रोमीमन ८ : १६

आतमा आपनीची आमचो आतमाचो संगे गवई देऊआय; कि
आमी महापरभुचो बेटा आंव ।

यूहन्ना १४ : २१

जेचो लगे मोचो हुकुम आसे आऊर हुन हुनके मानेसे, हुनी
मोके मयां संगायसे, आऊर जोन मोके मयां संगायसे हुनके मोचो
बाप मयां संगायदे, आऊर मय हुनके मयां संगायदे, आऊर मय
आपनी खुदके हुनचो ऊपरे परगट करेंदे ।

गलातीमन ४ : ६

आऊर तुमी बेटा होलो कारन महापरभु आपलो बेटाचो
आतमा के तुमचो जीव ने पठालो, जेचोले ए, अब्बा, ए बुआ
बलून भाती हागदेऊआय ।

१ यूहन्ना ४ : १३

एचेई ने आमी जानूसे, कि आमी हुन थाने बनू रऊंसे आऊर
हुन आमचो ने; कसनबल्ले हुन आपलो आतमा थुनले आम के
दिलोसे ।

३२ मसी आमचो भीतर रऊनभाती आम
के हरिक देऊआय

यहून्ना १७ : १३

मानतर एदायं मय तुचो लगे एयंसे, आऊर ए गोटमन संसार
ने बलेंसे; कि हुनमन मोचो हरिक आपलेई ने पूरा पाओत ।

रोमीमन १४ : १७

कसनबल्ले महापरभुचो राज खातोर-पीवतोर नोआंय
मानतर धरम आऊर अस्तीर आऊर हुन हरिक आय जोन पवितर
आतमा ले होऊआय ।

यशायाह १२ : ३

तुमी हरिकमन ले मुक्तिचो सतान ले पानी भोरासे ।

गलातीमन २ : २०

मय मसी चो संगे क्रूस ऊपरे चेगाय होलेसे, आऊर एदायं मय
जीव नि रयें, मानतर मसी मोचो ने जीव आसे; आऊर मय देंहे ने
एबे जोन जीव आंसे तो खाली हुन बिसवास ले जीव आंसे, जोन
महापरभुचो बेटा ने आसे, जोन मोके मयां करलो, अऊर मोचो
काजे आपने खुद के देऊन दिलो ।

यहून्ना १५ : ११

मय ए गोटमन एईकाजे बलेंसे, कि मोचो हरिक तुम चो ने
बनूरओ आऊर तुमचो हरिक पूरा होऊन जाओ ।

भजनमन १६ : ११

तुय मोके जीव चो बाट दखासे, तुचो लगे हरिक चो भांडार
आसे, तुचो ऊजा हाथे सुख सदाकाल काजे बनू रऊआय ।

३३ परभुचो हुकुम मानतोर जरुरी आय

१ समुएल १२ : १५

मानतर तुमी यहोवाचो गोट नि माना आऊर यहोवा चो हुकुम के पलटाऊन हुन चो ले उपायी रतोर, तो यहोवाचो हाथ जसन तुचो पुरखामन चो उलटा होली उसनीची तुमचो बले उलटा उठेदे।

रोमीमन ६ : १६

काय, तुमी नि जानास, कि जेचो हुकुम मानतो काजे तुमी आपनी खुदके कमेया असन सोपून देसास, हुनचेई कमेया आहास आऊर जेचो मानसात, चाहे नोहले पापके जेचो सरासरी मोरना आय, नोहले हुकुम मानतोर; जेचो सराससी धरम आय ?

२ थिस्सलूनीमन १ : ७-९

आऊर तुमी जोन दुख पायसास, आमचो संगे सुस्ताहा; जिदलदांय परभु यीशु आपलो बलवान दूतमनचो संगे, ढिकढिकतो अईग ने सरग ले परगट होयदे, हुदलदांय जोन महापरभु के नि चिताओत, आऊर आमचो परभु यीशु चो नंगत खबर के नि मानोत, हुनमन के बदला धरेदे; हुनमन महापरभुचो पुरे ले आऊर हुन चो ताकत चो महिमा ले अलगे होऊन भाती सदाकाल चो बिनास चो डण्ड पावदे ।

व्यवस्थाविवरण ११ : २६-२८ अ

सुना, मय आजचो दिन तुमचो पुरे आसीरबाद आऊर सराप दुनों के संगाऊन देयांसे । नोहले तुमी आपलो महापरभु यहोवा चो ए हुकुममन के जेके मय आजी तुमके सुनायांसे माना; तो तुमचो ऊपरे आसीरबाद होयदे, आऊर तुमी आपलो महापरभु यहोवा चो हुकुममन के नि मानलोने तुमचो ऊपरे सराप पडेदे ।

फिलिप्पीमन २ : ११

आऊर महापरभु बापचो महिमा काजे हरेक जीब मानोत कि
यीशु मसीची परभु आय ।

मत्ती १० : ३२, ३३

जोन कोनी मोके मनुकमन चो पुरे मानेदे, हुन के मय बले
आपलो सरगचो बाप पुरे मानेंदे, मानतर जोन कोनी मनुकमन चो
पुरे मोके इनकार करेदे, हुनके मय बले सरगचो बाप पुरे इनकार
करेंदे ।

रोमीमन १० : ९, १०

कि तुय आपलेही मूँ ले यीशु के परभु जानून भाती मानसे
आऊर आपलेही मनले बिसवास करसे कि महापरभु हुनके मोरलो
थान ले जियालो तो तुय जरुर मुकित पावसे । कसनबल्ले धरम
काजे मन ले बिसवास करुआत, आऊर मुकित काजे मूँ ले
मानुआत ।

१ यूहन्ना २ : २३

जोन कोनी बेटा (यीशु) के इनकार करुआय हुनचो लगे बाप
निआंय; मानतर जोन बेटा के मानेसे हुनचो लगे बाप बले आसे ।

लूका ९ : २६

जोन कोनी मोचो ले आऊर मोचो गोटमन ले लाज होयदे, मय
मनुक चो बेटा (यीशु) जिदलदांय मोचो आऊर मोचो बाप चो
आऊर पवितर सरग दूतमन चो, महिमा संगे एयंदे, तो हुनचोले
बले लाज होयदे ।

१ पतरस ५ : ८

चेत ने राहा आऊर चेता राहा, कसनबल्ले तुमचो दुसमन सयतान गरजतो बिता सिंह मांहा ए तलास ने रयसे कि काके चिरुन खायें ।

२ थिस्सलूनिकीमन २ : ९

हुन अधरमीचो एतोर सयतान चो काम चो हिसाब ने सपाय रकम चो फंदी ताकत, आऊर चिना आऊर भक्याऊन जातो काम चो संगे ।

प्रेरितमन २६ : १८

कि तुय हुनमन चो आईक के उगाड़ कि हुनमन अंधार ले ऊजर बाटे आऊर सयतान चो हक ले महापरभुचो बाटे फिरोत; कि पापमन चो खेमा आऊर हुन लोगमन चो संगे जोन मोचो ऊपरे बिसवास करलोने पवित्र करलासे, भाग पावोत ।

मत्ती ४ : १ आऊर १०, ११

तेबे हुदलदांय आतमा यीशु के राने नीली ताकि सयतान ले हुनचो परीछा होवो । तेबे यीशु हुन के बललो, ए सयतान, लापी हो, काय काजे बलले लिखलीसे कि तुय परभु आपलो महापरभु के पांय पड़ आऊर खाली हुनचेई उपास कर । तेबे सयतान हुन चो लगले जाते गेलो; आऊर दख, सरगदूतमन एऊन हुन चो सेवा करुक मुरियाला ।

इफिसीमन ६ : १०, ११

मोचो भाईमन, सरासरी ने महापरभुने आऊर हुन चो ताकत चो असर ने बलवान हुआ । महापरभुचो सपाय हतेयार बांदा, कि तुमी सयतान चो चालाक चो पुरे ठिंया रऊक सका ।

इब्रानीमन २ : १४

जसन पिलामन मास आऊर लोऊ चो भागी आत असन हुन
बले खुद हुनमन चो असन मास आऊर लोऊचो भागी होलो ।
ताकी जेचो लगे मोरनाचो हक रये, मतलब सयतान के यीशु
आपलो मोरना ले सत्यानास करलो ।

१ यूहन्ना ३ : ८

जोन कोनी पाप करेसे हुन सयतान चो बाटले आय,
कसनबल्ले सयतान मूर ले पाप करते ईलेसे । एईकाजे
महापरभुचो बेटा परगट होलो कि सयतान चो काममन के
सत्यानास करो ।

रोमीमन ८ : ३५ आऊर ३७

कोन आमके मसी चो मयां ले अलगे करेदे ? काय दुख, नोहले
कसट, नोहले तंगातो, नोहले भूक, नोहले नांगड़ा, नोहले
दुरघटना, नोहले खाण्डा ? मानतर ए सपाय गोटमन ने आमी
हुनचोले, जोन आमके मयां करलोसे, जीततो बिताले बले बड़े
आय ।

याकूब ४ : ७, ८ ठ

एईकाजे महापरभुचो हक ने होऊन जाहा, आऊर सयतानचो
पुरे बरसक ठिंया हुआ, तो हुन तुमचो लगले परायदे । महापरभुचो
लगे इआ, तेबे हुन बले तुमचो लगे एयदे ।

२ थिस्सलुनीकीमन २ : ८

तेबे हुन अधरमी परगट होयदे जेके परभु यीशु आपलो मूं चो
फूकले मारेदे, आऊर आपन ईलोर ऊजरले भसम करेदे ।

१ यहून्ना ४ : २०

कोनी सांगे कि मय महापरभु ले मयां संगायंसे आऊर आपलो भाई ले बैर संग्रायदेः तो हुन फंदी आय; कसनबल्ले जोन आपलो भाई ले जेके हुन दखलोसे मयां नि संगाये, तो हुन आपलो महापरभु ले बले जेके हुन नि दखे, मयां नि संगाऊक सके ।

१ कुरिन्थीमन १३ : १

मय मनुकमन चो आऊर सरगदूतमन चो गोटमन (भाषा) के बले बलूक सकें, आऊर मयां नि करे, तो मोचो गोट ठनठनातो घण्टा आऊर झनझनातो गिनी आय ।

गलातीमन ५ : २२, २३ (अ)

मानतर पवितर आतमा चो फल मयां, हरिक, मेल, धीरज, दया, भलाई, विसवास, नम्रता आऊर खुद के थामतोर आय ।

यहून्ना २१ : १६

यीशु फेर दूसर हार हुन के बल्लो, ए समैन, यूहून्नाचो बेटा, काय तुय मोचो ऊपरे मयां करसीस ? हुन हुनके बल्लो, हव; परभु तुय जनसीस कि मय तुके मयां करेंसे । यीशु हुनके बललो, मोचो मेण्डामन चो दखा–चाहा कर ।

यूहून्ना १३ : ३५

तुमी आपस ने मयां करासे तो एचोले सपाय जान दे कि तुमी मोचो चेला आहास ।

१ यूहून्ना ३ : १४

आमी जानूसे कि आमी मोरना ले नाहाकून जीव ने अमरलूसे; कसनबल्ले आमी भाईमन ले मयां करुंसे : जोन मयां नि करे, हुन मोरनाचो दसा ने रऊआय ।

प्रेरितमनचो काम १० : ३९-४१

आऊर आमी हुन सपाय बूतामनचो गवई आसू जोन हुन (यीशु) यहूदीमनचो राज आऊर यरुसलेम ने बले करलो, आऊर हुनमन हुन के रुक ने ओराऊन मारला; हुन के महापरभु तीसर दिन जियालो आऊर परगट बले करलोसे; सपाय लोगमन के नाईं, मानतर हुन गवईमन के जोनमन के महापरभु आगे ले बाछून रलो, बललोने आमके जोन हुनचो मोरलो थानले जीऊन उठलोर पाढे हुनचो संगे खादलू पीवलू ।

मरकुस १६ : ९

हपताचो पयील दिन बडे बिहाने यीशु जीऊन सबले आगे मरियम मगदलीनी जेचो थानले यीशु सातठन भूत आतमामन के निकराऊन रलो, हुनके दखा दिलो ।

यूहन्ना २० : २६-२८

आंट दिन पाढे हुनचो चेलामन फेर घर भीतरे रओत, आऊर थोमा नांव चो चेला हुनमन संगे रये, आऊर कपाट बंद रये, तेबे यीशु एऊन आऊर मंजिगते ठिंया होऊन बललो, तुम के अस्तीर मिरो । तेबे यीशु थोमा के बललो, तुचो अंडकी एथा आनून मोचो हाथमन के दख, आऊर तुचो हाथ के आनून मोचो पंजराने ओलाव, आऊर बिसवास नि करतो बिता नाईं, मानतर बिसवास करतो बिता हो । एके सुनून थोमा उत्तर दिलो, ए मोचो परभु, ए मोचो महापरभु ।

रोमीमन ४ : २५

हुन आमचो पापमन काजे धराय होलो आऊर आमके धरमकारी ठेबतो काजे जियाऊन बले दिलो ।

यूहन्ना ५ : २५ आऊर २८, २९

मय तुके सत्त सत्त बलेंसे, हुन बेरा एयसे, आऊर एदांय आय
जोन थाने मोरलो लोगमन महापरभुचो बेटाचो राग (आवाज) के,
सुनदे, आऊर जोनमन सुनदे हुनमन जीवदे; एचो ने नि भक्याहा,
कसनबलले हुन बेरा एयसे, कि जितरो मोठमन ने आसोत हुनचे
राग सुनून निसकदे; जोनमन नंगत करलासे, हुनमन सदाकालचे-
जीव पावतो काजे जीऊन उठदे; आऊर जोनमन अडरा करलासे
हुनमन डण्ड पावतो काजे जीऊन उठदे ।

रोमीमन ६ : ३-५

काय, तुमी नि जानास. कि आमी जितरो मसी यीशु चो संगे
बपतिस्मा धरलू, तो हुनचो संगे मोरनाचो बपतिस्मा धरलू ?
ईकांजे हुन मोरनाचो बपतिस्मा पावलोने आमी हुनचो संगे गाढी
होलू, ताकि जसन मसी बापचो महिमाले मोरलो थानले जियालो,
असनी ची आमी बले नुवां जीवचो चाल चलू, कसनबलले, आमी
हुनचो मोरनाचो बराबर ने हुनचो संगे जोड़ा गेलूसे, तो पक्का
हुनचो जीऊन उठतोर चो बराबर ने बले जोड़ा जाऊदे ।

रोमीमन ८ : ११

आऊर हुनचेई (महापरभुचो) आतमा जोन यीशु के मोरलो
थानले जियालो, तुमचो थाने रयसे, तो जोन मसी के मोरलो थान ले
जियालो हुन तुमचो मोरतो मांहा देंहेमान के बले आपलो आतमा ले
जियायदे ।

परभु काजे पवित्र रतोर

लूका १ : ७४, ७५

ले बाचून हुन चो पुरे पवित्र आऊर धरमकारी ले जीव
भर नि डरुन भाती हुन चो सेवा करते रऊँ ।

२ कुरिन्थीमन ७ : १

एईकाजे ए भाईमन जिदलदायं ले ए जुबानमन आमके
मिरलीसे, तो इआ, आमी आपलाहान देहे आऊर आतमामनचो
सपाय मयीलमन ले सूद करूँ; आऊर महापरभुचो डर संगाते
पवित्र के पूरा करूँ ।

२ तिमुथियुस २ : २१

कोनी आपलो खुद के एमन (अडरा गोटमन) ले सूद करेदे, तो
हुन इज्जितदार आऊर पवित्र ठेबेदे; आऊर मालिकचो काम
एयदे आऊर सपाय नंगत कामकाजे तियार होयदे ।

१ पतरस १ : १५

कसनबल्ले जसन तुमचो हागदेतो बिता पवित्र आय,
असनीची तुमी बले आपलो सपाय चाल चलन ने पवित्र बना ।

परभु काजे पवित्र रतोर

यशायाह ३५ : ८

आऊर हूता गोटोक सड़क बललोने राजसड़क होयदे, हुनचो
नांव पवित्र सड़क होयदे, आऊर कोनी पापी मनुक हुन थान ले नि
हीण्डूक पावदे; हुन तो हुनीमनचेई काजे रयदे, आऊर हुन सड़क ने
जोन हीण्डदे हुन भले गंवार बले होवो तेबले बले केबई नि
भूलकेदे ।

एईकाजे यीशु बले लोगमन के आपलेहीची लोऊचो ले पवित्र करतो काजे फड़कीचो बाहरे दुख उठालो ।

इफिसीमन १ : ४

जसन हुन (यीशु) आमके संसार चो मूरचो आगेले हुनचो ले बाछलो कि आमी हुन चो लगे मयां ने पवित्र आऊर बिनदोसी होऊं ।

१ यूहन्ना १ : ९

आमी आपलो पापमन के मानूदे, तो हुन आमचो पापमनके खेमा करतो ने, आऊर आमके सपाय पाप ले सूद करतो ने बिसवास करतो लाईक आऊर धरमी आय ।

मत्ती ३ : ११

मय तो पानी ले तुमके मनफिराव चो बपतिस्मा देयंसे, मानतर जोन मोचो पाढे एतो बिता आय, हुन मोचो ले बरसक आय, मय हुनचो पनईके हीटातो लाईक नवांय, हुन तुमके पवित्र आतमा आऊर आईग ले बपतिस्मा देयदे ।

आतमा ले भोरलो मनुकमन

लूका ११ : १३

एईकाजे जिदलदायं तुमी अडरा होऊन तुमचो बेटा बेटीमन के नंगत तीजमन देऊक जानास, तो सरगचो बाप आपलो मांगतो बितामन के पवित्र आतमा के कसन ने नि देयदे ?

प्रेरितमन चो काम ४ : ३१

जिदलदायं हुनमन पारथना करला, तो हुन ठान जोन थाने हुनमन रुण्डा रओत हलून गेली, आऊर हुनमन सपाय पवित्र आतमा ले भोरुन गेला, आऊर महापरभुचो गोट बल संगे सांगते रओत ।

आऊर मय मोचो आतमा तुमचो भीतरे देऊन असन करेनदे
कि तुमी मोचो हुकुममन ऊपरे चलासे आऊर मोचो हुकुममन के
मानून हुनचो हिसाब ने करासे ।

रोमीमन ८ : ९

मानतर जिदलदांय महापरभुचो आतमा तुमचो थाने रयसे, तो
तुमी देहेंचो दसा ने नाई; मानतर आतमाचो दसा ने आसात । जेचो
थाने मसीचो आतमा निआंय तो हुन हुनचो लोग नवांय ।

प्रेरितमन १ : ८ (अ)

मानतर जिदलदांय पवितर आतमा तुम चो ऊपरे एयदे,
हुदयदांय तुमी बल पाहासे, आऊर मोचो गवई हुआसे ।

प्रेरितमन ११ : २४ (अ)

कसनबल्ले हुन (बरनबास) गोटोक नंगत मनुक रलो, आऊर
पवितर आतमा आऊर बिसवास ले संपूरण रलो ।

प्रेरितमन १३ : ५२

आऊर चेलामन हरिकले आऊर पवितर आतमा ले संपूरण
होते रओत ।

ईसाईमन काजे बडे कबूलमन

भजनमन ३४ : १८

यहोवा (महापरभु) टूटलो मन बितामनचो लगे रऊआय,
आऊर दुखी लोगमनचो जय जय करुआय ।

यशायाह ६६ : २

यहोवाचो ए गोट आय; ए तीजमन मोचेई हाथ चो बनालोर
आय, ईकाजे ए सपाय मोचेई आय, मानतर मय हुनचेई बाट

दुखेंदे जोन गरीब आऊर दुखी मनचो होदे, आऊर मोचो गोट के सुनून डरसास ।

मरकुस ९ : २३

यीशु हुनके बललो, विसवास करतो लोगमन काजे सपाय तीज होऊक सके ।

पतरस ४ : १२, १३

ए मोचो भाईमन, जोन दुखचो आईग तुमके मन बुझतो काजे तुमचो थाने भड़कलीसे, एचो ने ए समंजून नि भक्याहा कि कोनी बडे गोट तुम चो ऊपरे होलीसे । मानतर जसन जसन मसीचो दुखमन ने भागदारी (मांदी) होयसात, हरिक करा, जेचो ने हुनचो महिमाचो परगट होतो बेरा तुमी हरिक आऊर उदीम हुआ ।

प्रकाशितबचन २१ : ४

आऊर हुन (यीशु) हुनमनचो आईकमन ले सपाय आंसू पोछून पकायदे; आऊर एचो पाछे मोरना नि रयदे, आऊर ना दुख, ना गांगारुआ, ना दुखा रयदे; आगे चो गोटमन गेली ।

भजनमन ३७ : ३

यहोवाचो ऊपरे भोरसा करा आऊर नंगत काम करुन राज ने राहा आऊर सत्ते तुचो दुखा चाहा होऊन जायदे ।

परीछा ने पड़लो लोगमन काजे कबूलमन

इबरानीमन २ : १८

कसनबलले हुन (यीशु) परीछाचो दसा ने दुख उठालो, ईकाजे हुन हुनमनचो बले साहरा करुक सके, जोनमन चो परीछा होऊ आय ।

अस्तीर चो महापरभु सयतान के तुमचो पांय खाले तूरते
कुचडून देयदे ।

भजनमन ३४ : १९

धरमीचो ऊपरे खूबे दुख पडू तो आय, मानतर यहोवा हुनके
हुन सबले जय जय करुआय ।

यशायाह ४३ : २

जिदलदांय तुय पानी ने होऊन जासे मय तुचो संगे संगे रयदे,
आऊर जिदलदांय तुय नंदीमन ने होऊन हींडसे, तेबे हुनमन तुके
नि बुडाऊक सकदे, जिदलदांय तुय आईग ने हीण्डसे तेबे तुके आंच
नि लागेदे, आऊर हुन आईग तुके नि जराऊक सकेदे ।

रोमीमन ८ : २८

आमी जानूसे कि जोन लोगमन महापरभु ले मयां करेसोत,
हुनमन काजे सपाय गोटमन मिसून नंगत ची होऊआय, बललोने
हुनीमन काजे जोन हुनचो मन चो हिसाब ने हागदिलोर आसे ।

१ कुरिन्थीमन १० : १३

तुमी कोनी असन परीछा ने नि पड़लासीस जोन मनुकचो
सहतोर ले बाहरे आसे; आऊर महापरभु विसवास करतो लाईक
आय; हुन तुमके ताकतचो बाहर ले परीछा ने नि पडूक देयदे,
मानतर परीछाचो संगे बाचून जातोर बाट बले बनायदे, कि तुमी
सहूक सका ।

जितुवितामन ले कबूलमन

प्रकाशितबचन ३ : १२

जोन जय पायेदे हुन के मय महापरभुचो मंदिर ने गोटोक खमा

बनायदे आऊर हुन फेर केबई बाहरे नि निकरेदे, आऊर मय मोचो महापरभुचो नांव, आऊर मोचो महापरभुचो सहर बललोने नवां यरुसलेम चो नांव, जोन मोचो महापरभुचो लगे ले सरग थान ले उतरतो बिती आय आऊर आपलो नवां नांव हुनचो ऊपरे लिखेंदे ।

प्रकाशितबचन ३ : ५

जोन जय पायदे हुनके पंडरा फटई पींदाया जायदे, आऊर मय हुनचो नांव जीवचो किताप थानले नि मेटायदे, मानतर हुनचो नांव मोचो बाप आऊर हुनचो सरगदूतमन चो पुरे मानून जायदे ।

प्रकाशितबचन ३ : २१

जोन जय पायदे मय हुनके मोचो संगे मोचो राजगादी ने बसायदे, जसन मय बले जय पाऊन मोचो बापचो संगे हुनचो राजगादी ने बसले ।

प्रकाशितबचन २१ : ७

जोन जय पायदे हुनी ए सपाय तीजमन चो मालिक होयदे; आऊर मय हुन चो महापरभु होयदे आऊर हुन मोचो बेटा होयदे ।

प्रकाशितबचन २ : ७

जेचो कान आसे, हुन सुना कि आतमा सभामन ले काय बलेसे: जोन जय पायदे मय हुनके हुन जीव चो रुक थान ले फर खाऊक देयदे, जोन महापरभुचो सरग लोक ने आसे ।

महापरभु आमके बायले (मनुक)

छांडतो बारे ने सांगेसे

१ कुरिन्थीमन ७ : १०, ११

जेचो विया होलीसे, हुनमन के मय नाई, मानतर महापरभु

हुकुम देऊआय, कि बसेई आपलो गोसया ले अलगे नि होवो । आऊर नोहले अलगे बले होऊन जायदे तो विया नि होऊन रओ, नोहले आपलो गोसयाले फेर मिसून जातो आऊर गोसया आपलो बायले के नि छांडो ।

रोमीमन ७ : २, ३

कसनबलले विया होलो मेहरार कानूनचो हिसाब ने आपलो गोसया चो जीव रतले हुनचो संगे बांदू रयसे, मानतर गोसया मोरुन जायदे, तो हुन गोसयाचो कानून ले फुस्कून गेली, मनुकचो जीव रतले हुन कोनी दूसर मनुकचो होऊन जायदे तो पापीन बलाय होयदे, मानतर गोसया मोरुन जायदे तो हुन हुन कानून ले छुटून गेली . . . ।

लूका १६ : १८

जोन कोनी आपलो बायले के छांडून दूसर बायले के विया करेसे, हुन पाप करेसे: आऊर जोन कोनी असनी छंडलो बायेले विया करेसे हुन बले पाप करेसे ।

मत्ती ५ : ३२

मानतर मय तुमके बलेसे कि जोन कोनी आपलो बायले के दूसर, मनुक संगे जातोर के छांडून आऊर काई दूसर कारन ने छांडून देयदे तो हुन हुनके पाप करायसे, आऊर जोन कोनी हुन छाड़लो बायले के विया करेदे तो हुन बले पाप करेसे ।

मसीचो दूसर हार एतोर

प्रकाशितबचन ३ : ११

दख्खा, मय झटके एतो विता आय, जितरो तुचो लगे आसे

४७

हुनके थमाऊन रा, कि कोनी तुचो मुकुट के झीकून नि नेओत ।

यूहन्ना १४ : ३

आऊर मय जाऊन तुमचो काजे ठान तियार करेंदे, आऊर फेर एऊन तुमके मोचो थाने नेयंदे कि जोन थाने मय, रऊआयं हूता तुमी बले राहा ।

मरकुस द : ३८

जोन कोनी अडरा विचार आऊर महापरभु के इनकार करतो लोगमन के मंजिगते, मोके आऊर मोचो गोटमन ले लाज होयदे, मय, मनुकचो बेटा बले जिदलदायं पवित्र दूतमन संगे, मोचो बाप चो महिमा संगे एयंदे तो हुनचोले बले लाज होयदे ।

मत्ती २४ : ३०

तेबे मनुकचो बेटाचो चिना सरग ने दखा देयदे आऊर हुदलदायं संसारचो सपाय जात चो लोग छाती पेटदे आऊर मनुकचो बेटा के खूबे बल आऊर बडे महिमा चो संगे सरगचो बादरीमन थान ले एतो के दखदे ।

याकूब ५ : ८

तुमी बले धिरजा (धीरज) धरा; आऊर आपलो जीव के बरसक करा, कसनबलले परभुचो एतोर लगे अमरलीसे ।

मत्ती २४ : २७

कसनबलले जसन बिजली पूरब (बेर उदिया) ले निस्कून बेर बुडती बाटे बरते जाऊआय, असनीची मनुकचो बेटा बले एतोर होयदे ।

परभुचो दूसर हार एतोर

प्रेरितन १ : ११

आऊर (सरग दूतमत) बलूक मुरियला, ए गलील चो

मनुकमन, तुमी काय काजे ठिंया होऊन सरग बाटे दखसास? एई यीशु, जोन तुमचो लगले सरग ने ऊचाऊन नीला, जसन ढंग ले तुमी हुनके सरग ने जातो के दखलासीस उसनी ढंग ले हुन फेर एयदे ।

लूका २१ : २७

तेबे हुनमन मनुकचो बेटा के बल आऊर बडे महिमाचो संगे बादरी ने एतो के दखादे ।

१ यूहन्ना ३ : २, ३

ए भाईमन, एबे आमी महापरभुचो बेटा आंव आऊर इदलदांय ले ए परगट नि होलीसे, कि आमी कसन ढंगचो होऊदे । इतरो जानूसे, कि जिदलदांय हुन परगट होयदे तो आमी बले हुनचो असन होऊदे, कसनबलले हुनके उसनीची दखूदे जसन हुन आय ।

प्रकाशितबचन १६ : १५

दख, मय चोट् चो असन एयसे, धन्य हुन आय जो चेतते रऊआय आऊर आपलो फटई के तियार संगाली से कि जोनमन के नांगडा आऊर लाज होऊक नि पडेदे ।

लूकां १२ : ४०

तुमी बले तियार राहा; कसनाबलले जिदलदांय तुमी बिचारास बले नाई, हुदलदांय मनुक चो बेटा एऊन जायदे ।

मत्ती १६ : २७

कसनबलले मनुकचो बेटा आपलो बापचो महिमा ने एयदे; आऊर हुदलदांय सपाय लोगमन के हुनमनचो कामचो हिसाब ने फल देयदे ।

महापरभु चो गोट (बचन)

लूका २१ : ३३

सरग आऊर मंजपूर गुचून जादे : मानतर मोचो गोटमन
केबई नि गुचे दे ।

भजनमन ११९ : १०५

तुचो बचन मोचो पांय काजे दिया आऊर मोचो बाट काजे
ऊजर आय ।

मत्ती २२ : २९

यीशु हुनमन के उत्तर दिलो, तुमी महापरभुचो बचन आऊर
महापरभुचो बल के नि जानास; एईकाजे तुमी गलती ने
पड़लासाहास ।

भजनमन ११९ : ११

मय तुचो बचन के मोचो जीव ने संगालेसे, कि मय तुचो उलटा
पाप नि करें ।

२ तीमुथियुस ३ : १६

जमाय पवित्र सास्तर महापरभुचो प्रेरणा ले बनालोर आसे
आऊर उपदेश, आऊर समंजातो, आऊर सुधरातो आऊर
धरमचो गियान काजे नंगत आय ।

